

### **Semina Lona III, o le Faiga Paaga a Palemene o Ausetalia ma Samoa**

Na faatautaia le Semina faaleaoaoga mo Sui Usufono o le Palemene i le Aso Lua 3 – Aso Lulu 4 Oketopa 2017 i le potu fono o le Faletalimalo o le Taumeasina Island Resort i Moataa. O lenei semina, e atoa iai le tolu (3) o polokalame faaleaoaoga i lalo o le faiga paaga a Palemene a Samoa ma Ausetalia.

O le Semina Lona III na faaautuina — “Tulaga Aloaia ma Amio Tauloa” ma sa faafoeina e Sui mai le Ofisa o le Fono Aoao Faitulafono a Ausetalia e aofia ai Anna Burke, o Le sa avea ma Fofoga Fetalai o le Palemene o Ausetalia, Claressa Surtees o le Sui Failautusi o le Fono Aoao Faitulafono a Ausetalia, Peter Banson o le Failautusi Lagolago i le Vaega o le Maota Fono, ma Catherine Cornish o le Failautusi Lagolago i le Vaega o Tualumaga. Na tuuina atu foi i ai le lagolago a le Failautusi o le Fono Aoao Faitulafono a Samoa, Afioga Sefuiva Charlene Malele faatasi ai ma nisi o le Ofisa.

Na molimauina le amanaia e Sui Usufono o lenei polokalame, pe a fua i le toatele o le aofai na auai i ia aso e lua. Na auai foi le Afioga i le Palemia ma nisi o Minisita o le Kapeneta ma faaalua ai lo latou naunautaiga ina ia faaauau pea lenei polokalame ona o lona taua tele. Na maua le avanoa e fefaasoai ai finagalo o Sui Usufono i mataupu tau i amio tauloa ma tulaga aloaia i totonu o le Palemene, ese mai i Folsaga na faatautaia e tusa o le polokalame.

Na faatinoina foi le semina mo le Aufaigaluega o le Ofisa o le Fono Aoao Faitulafono, i le maea ai o aso e lua o le semina a Sui Usufono. Na faasoa foi finagalo ma le silafia o le Aufaigaluega i mataupu tau i tulaga aloaia ma amio tauloa, atoa ai ma auala e siitia ai le tautua ma le auunaga ina ia mafai ona sologa lelei le faatinoina o galuega ma tualumaga a le Fono Aoao Faitulafono.

O le semina lenei, ua faaiu i ai le vaega muamua o lenei faiga paaga, ma o le a faaauau i le isi laasaga, lea ua fuafua e auina atu ai nisi o le Aufaigaluega i polokalame faapenei o le a faatautaiai totonu o Palemene a Ausetalia. O le naunautaiga, ia siitia le tomai ma le iloa i galuega faapalemene.